

مکتبہ اقبال

مطبع و محل ادارہ :

جہاں اوغلندہ امنیت
مندوخی جوارندہ
شنکول یقوشندہ
۲۵ نومبر

اظہار :

مسلمکمزہ موافق آثار
جدیدہ مع الممنونہ
قبول اولنور

درج ایدلمہین آثار اعادہ اولنماز

دیر ، فلسفہ ، علوم ، حقوق ، ادبیات تاریخ ، سیاسیاندرہ وبالخاصہ احوال و شئون اسلامیدر بحث ایدر و ہفتہ درہ بر نشر اولنور .

آبونہ بدلی

صاحب و مؤسسری :

ابوالعلا زین العابدین - ح . اشرف ادیب
تاریخ تأسیسی

سنہ لکی	التی آیلنی	غروش
ممالک عثمانیہ ایچون	۶۵	۳۵
روسہ	۶۵	۳۵
سائر ممالک اجنبیہ	۱۷	۹

۱۰ تموز ۳۲۴

در سعادتدہ نسخہ سی ۵۰ پارہ در

قیرلہ دن مقوا بورو ایله کوندریلیرسہ سنوی
۲۰ غروش فضلہ آلنیر

عدد : ۱۸۵

۱۸ جمادی الآخرہ پنجشنبہ ۲ حریران ۳۲۷

آلشچی جلد

انات سلطانی مکتبی

و

شرقده انقلاب اجتماعی

« سنین غزته سی بوکونک مسئله سی دیه بوندن بحث ایتدیکی صره ده دیورکه :

« شبهه سزکه بو ، مملکت ایچون پک بیوک ، پک عظمتلی بر حادته اجتماعیه در . دینله بیلیرکه بوغاز ایچونک یشیل بر تپه سندن حاکم آفاق اولان بو مؤسسه خیره بوتون شرقده کندیسی کوستره جک بر انقلاب قریبک اک قوتلی بر عاملی ، اک یوکسک بر آیدوسی اولاجقدر . »

اشاغی ده ینه تکرار ایدیور :

« ... بو نسللر تعاقب ایتدیکه ، او مؤسسه لرده آرتاجق ، یوکسکه جک و بو صورتله شرقک تکامل معنویسی ، انقلاب اجتماعی ده تأمین ایدلش اولاجق .. »

عجبا نه دیمک ایسته یور !

شئون

قوصوه صحرا سنده اجتماع اسلام

نمنه و کرمه تعالی ، یارین قوصوه صحرا سنده ، خلیفه مسلمین سلطان محمد خان خامس حضرتلری حاضر اولدینی حالده ، یوز بیکارجه اهل اسلامدن مرکب بیوک بر اجتماع وقوعه کله جک ، امتجه جمعه نمازی ادا اولنه جق در .. عثمانلی انقلابی نصل بتون عالم اسلامده بیوک بر انتباه حصوله کتیردیه ، یارینکی معظم و مسعود کون دخی بتون عثمانلر و مسلمانلر آرمسندکی هر درلو نفاق و شقاقلری قالدیره رق حقیقی بر وفاق و اتحاد حصوله کتیرمسی الطاف الهیه دن متضرع و مأرلدر . نمازک ختامن متعاقب (عالم اسلام و زوایایه انتشار اسلامیت) مؤلف محترمی عبدالرشید ابراهیم قندی حضرتلری طرفندن بتون عالم اسلام امرا و رؤسائه مشهددن تلغرافلر کشیده اولنه رق بویوک و هم اجتماع اسلام حقنده معلومات ویرله جکدر .

ممالک عثمانیه نك بر چوق شهرلرند جوامع کیره ده صلات جمعه ادا ایدلکدن صوکر او مسرتی و مین کونی تجیلا مولد نبیلر ارقونه جق ، ضیافتلر ویرله جک ، فقرا و محتاجینه صدقه لر توزیع اولونه جق ، شلکدر اجرا ایدیه جکدر . یقین شهرلره دارالخلافه دن خطیلر دعوت اولمشدر . انتباه اسلامک بمنه الکرم فاتحه سنی تشکیل ایده جک شئو مبارک کونی ادرامزدن طولای بتون عثمانلیری و عالم اسلامی تبریکه مسارعت ایدرز .

قوصوه صحرا سنده امتجه ادا اولانه جق

جمعه نمازی

دین اسلام سعادت اخرویه یی تأمین ایتمکه برابر معاشرت دنیویه یی ده تنظیم ایدن بر حکمت صمدانیه در . نمازلر « جماعته » ادا اولنور . ادله فقهیه دن بریسی (اجماع) در . اسلامک یوم مقدسه (جمعه) ،

مکان عبادتنه (جامع) اطلاق اولنور . اهل سنته (اهل جماعت) صفقی تردیف ایدیلر .

دین اسلامک « اجتماعی » بر دین اولدینی اثبات ایچون بوکی تعبیرلردن استمانیه ده احتیاج یوقدر . روما دولت معظمه سنک و آنی تعقیب ایدن اوروپا دولترینک عصرلرجه تجربه لرندن طوغان حقوق غریبه قواعد معاشرتک اساسلری بیک مشکلاتلا و قسماً وضع ایده بیلدیکی حالده دین اسلام ادله باهریه مستند اولان احکام فقهیه سیله غایت نریه و عادلانه بر مدنیتک بوتون قاعده لرنی تنصیص ایتمشدر . دین اسلامک جماعتجه ادا اولان فریضه لرلی اولدینی کی امتجه ایفا قله جق عبادتلی ده واردر . خلیفه اسلام امام المسلمیندر . امام بر امتک پیشوای معنویاتی دیمکدر .

جمعه وایرام نمازلری امام المسلمینک حضوری و وکیللرینک وساطتیه ادا اولنور . مکاناً متفرق فقط روحاً متحد جماعتلر طرفندن قانسان بونمازلر امتجه ایفا ایلش لیدر .

و بومسرو داتی تمهیددن مقصد وطن عثمانینک هرولایتدن بر حس علوی دینسارانه ایله قوشوب کلن هیئتک امام المسلمینله برار قوصوه صحرا سنده ادا ایده جکلی جمعه نمازینک تاریخ اسلامده امثالی کورلمه مش (امتجه بر نماز) اولدینی تصریح ایتمکدر . دور استبدادده دینی اجتماعات بیله ممنوعا دندی . مشروطیت عثمانیه نك نه عالم اجتماعات دینییه زمین امکان نهیه ایتدیکی و دیانت ایله حریتک یکدیگرندن آیرلمازا بکی امر معزز جاودانی اولدینی بومناسبتله ده ظاهر اولیور .

قوصوه صحرا سنده کی جمعه نمازی یالکر بر عبادت دینییه دن ده عبارت قالمیه جقدر . اهل صلیک عثمانلیری اورویادن اخراج ایچون جراد عرمم کی قوصوه صحرا سنده تحشدا ایتدکلی او ان قطنی حیات و نماز تحظر ایدلم .

سلطان مراد خداوندکارک (یارب ملت می مظهر ، بکا شهادتی میسرایت) دعای صمیمینک مظهر اجابت بو یورلرینی او عید ماتم آلودی یادیمزه کتیردم . او کون تاریخ اسلامده نصل بر یوم نافر اوثر ایسه جماعت شهدانک ده اشتراکنه شبهه اولمیان بو (جمعه) کونی ده حافظه امتده نسیان ناپذیر بر روز ابدزنده قاله جقدر .

خلیفه اسلامک پای تحت ثانی سلطنت اولان ادرنیه تشریفلرند ادا بیوریلان فریضه جمعه ده حاضر ایدم . او مبارک نمازک تأثیر معنویاتی وجدانلره نه صورتله افاضه روحانیت ایتدیکنی بالتجربه آکلامش اولدیغ ایچون امیر المؤمنین حضرتلرینک مشهد خداوندکارده ملتله برابر اجتماع و امتله برلکده عبادت ایتلرندن حاصل اوله جق فیوض وجدانیه یی شیمیدین حس ایدهرک بختیار اولیورم . (جناب حق دائماً امت ناجیه یی بوقیل سعادتله مظهر بو یورسون) دعاییه بونارخی سیاحتدن متولد مسعودیتمزی تحذیث ایدلم .

اتحاد و ترقی جمیة کاتب عمومیه سی :

مامی عادل